

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za poslove kabineta i mjesne zajednice

Broj: _____

Bihać, _____

Na osnovu člana 140. Poslovnika Gradskog vijeća („Službeni glasnik Grada Bihać“, broj: 3/16 i 4/20), Gradonačelnik Grada Bihaća, u svojstvu predlagača propisa i drugih akata

O d r e đ u j e

I z v j e s t i o c a Dijanu Bišćević, pomoćnik gradonačelnika za poslove kabineta i mjesne zajednice u Službi za poslove kabineta i mjesne zajednice, na sjednici Gradskog vijeća i radnim tijelima po prijedlogu tačke dnevnog reda:

Prijedlog Zaključka o prihvatanju Inicijative Udruženja „Zaboravljena djeca rata“ .

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Broj: _____

Bihać, _____

Gradsko vijeće Grada Bihaća
-ovdje-

PREDMET: Prijedlog Zaključka o prihvatanju Inicijative Udruženja “Zaboravljena djeca rata” , dostavlja se, -

Na osnovu člana 52. Statuta Grada Bihaća („Službeni glasnik Grada Bihaća“ broj: 13/15 i 13/18), dostavljam Vam Prijedlog Zaključka o prihvatanju Inicijative Udruženja „Zaboravljena djeca rata“, na razmatranje i prihvatanje, uz slijedeće:

O b r a z l o ž e n j e

I Pravni osnov za donošenje

Pravni osnov za donošenje Zaključka o prihvatanju inicijative Udruženja „Zaboravljena djeca rata“ sa sjedištem u Sarajevu, ul. Grbavička br.32, pod nazivom „Ime jednog roditelja“ sadržan je u:

- članu 19. Statuta Grada Bihaća („Službeni glasnik Grada Bihaća“, broj: 13/15 i 13/18) kojim je propisano da će Grad Bihać u obavljanju poslova iz svoje nadležnosti stvarati uvjete da građani na području grada u cjelini i na demokratski način ostavaruju sva prava i slobode utvrđene odredbama člana II.A do 7. Ustava Federacije BiH i međunarodnim instrumentima sadržanim u Aneksu Ustava Federacije BiH, o čemu će se brinuti svi gradski organi i institucije, svako u okviru svoje nadležnosti,
- članu 28. stav (1) tačka a) Statuta Grada Bihaća kojim je propisano da Grad Bihać u svom samoupravnom djelokrugu obavlja poslove kojima se neposredno ostavaruju potrebe građana i to naročito poslove koji se odnose na osiguranje uvjeta i poduzimanju svih potrebnih mjera za dosljednu primjenu, poštivanje i zaštitu ljudskih prava i osnovnih sloboda u skladu sa Ustavom BiH, ustavom F BiH i Ustavom Unsko-sanskog kantona,

- članu 35. tačka kk) Statuta Grada Bihaća kojim je propisano da Gradsko vijeće u okviru samoupravnog djelokruga donosi pojedinačne i druge akte iz samoupravnog djelokruga u skladu sa zakonom i Statutom,
- članu 132. tačka a) Poslovnika o radu Gradskog vijeća Bihać („Službeni glasnik Grada Bihaća“ broj: 3/16 i 4/20) kojim je propisano da Zaključkom Vijeće u okviru svog djelokruga zauzima stavove i izražava mišljenje o pitanjima o kojima se raspravljalo,
- članu 139. stav (3) Poslovnika Gradskog vijeća Bihać („Službeni glasnik Grada Bihaća“ broj: 3/16 i 4/20) kojim je propisano da, ako se na osnovu općeg pretresa Vijeće izjasni za donošenje odluke, zaključkom o usvajanju inicijative za donošenje odluke utvrđuje se sadržaj odluke i stručni obrađivač.

II Razlozi za donošenje

Udruženje „Zaboravljena djeca rata“ sa sjedištem u Sarajevu, u ulici Grbavička broj: 32, obratilo se Gradonačelniku Grada Bihaća sa zahtjevom za razmatranje i usvajanje inicijative pod nazivom „Ime jednog roditelja“.

Pomenuta inicijativa upućena je na razmatranje i usvajanje svim općinskim načelnicima/gradonačelnicima u Federaciji Bosne i Hercegovine i ista je od strane određenih općina/gradova već prihvaćena.

Polazište za prihvaćanje predložene inicijative ogleda se u činjenici da se u raznim institucijama na nivou Federacije Bosne i Hercegovine (škole, fakulteti, općine/gradovi) u dokumentima (obrazcima) koji se koriste u radu institucije, od podnositelja zahtjeva traži da u dokumentu (obrazcu) pored ličnih podataka upiše i podatak o „imenu oca“ umjesto podatka „ime jednog roditelja i/ili staratelja/ke“.

Zbog navedenog, djeca koja ne znaju ime oca, odnosno djeca koja su rođena u ratu kao posljedica silovanja njihovih majki, izložena su diskriminaciji te je narušeno njihovo pravo na izbor i privatnost, a samim tim umanjena je uloga majke u zakonodavnom sistemu Bosne i Hercegovine obzirom da se primat stavlja na ime oca bez mogućnosti opcionalnog izbora.

Kako su pomenutim licima (djeci) ovakvim dokumentima (obrazcima) narušena osnovna prava kao što su pravo na izbor i pravo na privatnost, a koja prava su im zagarantovana kako ustavnim i zakonskim normama države Bosne i Hercegovine tako i međunarodnim dokumentima kao što je Opća deklaracija o ljudskim pravima i Evropska konvencija za zaštitu ljudskih prava i osnovnih sloboda, to Vam dostavljam inicijativu Udruženja „Zaboravljena djeca rata“ pod nazivom „Ime jednog roditelja“ na razmatranje i prihvatanje.

Prihvatanjem inicijative „Ime jednog roditelja“ svi obrazci i formulari službi Gradskog organa uprave Grada Bihaća kao i javnih ustanova i javnih preduzeća čiji je osnivač Gradsko vijeće Grada Bihaća bili bi prilagođeni na način da isti više ne bi sadržavali rubriku „Ime oca“ već bi umjesto pomenute rubrike na obrazcima i formularima bila predviđena rubrika „Ime

jednog roditelja i/ili staratelja/ke“ izuzev onih obazaca i formulara čija je sadržina zakonom propisana.

IV Finansijska sredstva

Za prihvatanje i realizaciju predložene inicijative nije potrebno osigurati finansijska sredstva.

Prilog: Inicijativa Udruženja „Zaboravljena djeca rata“ sa obrazloženjem.

Gradonačelnik
Šuhret Fazlić

Dostavljeno:

1. naslovu
2. evidenciji
3. a/a

Na osnovu člana 132. tačka a), a u vezi sa članom 139. stav (3) Poslovnika Gradskog vijeća Bihać („Službeni glasnik Grada Bihać“, broj 3/16 i 4/20), Gradsko vijeće Bihać na _____održanoj dana _____godine, donijelo je

Z A K L J U Č A K

o prihvatanju Inicijative Udruženja „Zaboravljena djeca rata“

I

Prihvata se Inicijativa Udruženja „Zaboravljena djeca rata“ sa sjedištem u Sarajevu u ulici Grbavička br.32, pod nazivom „Ime jednog roditelja“.

II

Obavezuje se Gradonačelnik grada Bihaća da putem službi gradskog organa uprave prilagodi sve dokumente, obrazce/formulare koji se koriste u radu, a sadrže rubriku „Ime oca“ na način da umjesto pomenute rubrike stoji rubrika „Ime jednog roditelja i/ili staratelja/ke“ izuzev onih dokumenata, obrazaca/formulara čija je sadržina zakonom propisana.

III

Obavezuju se javne ustanove i javna preduzeća čiji je osnivač Gradsko vijeće Grada Bihaća da prilagode sve dokumente, obrazce/formulare koje koriste u radu, a sadrže rubriku „Ime oca“ na način da umjesto pomenute rubrike stoji rubrika „Ime jednog roditelja i/ili staratelja/ke“ izuzev onih dokumenata, obrazaca/formulara čija je sadržina zakonom propisana.

IV

Rok za sprovođenje navedene inicijative je mjesec dana od dana usvajanja i objavljivanja Zaključka o prihvatanju inicijative.

V

Ovaj Zaključak stupa na snagu osmog dana po objavljivanju u „Službenom glasniku Grada Bihaća“.

Gradsko vijeće

Predjedavajući Gradskog vijeća
Zulfikar Handukić

Broj: _____

Bihać, _____

